

سنه لکی درسعات ایچون مجیدیه
یکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکر دیک محاکمه علییه

آبونه اولمق ایستینار دأرء عدلیه ده
اداره مخصوصه سنه مراجعت
ایتملیدر

اعلانآک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه یه متعلقدر

توجیهات

محکمه تمیز اعضانی درسعات استیناف محکمه سی
حقوق دأرء سی رئیس سعادتلو عارف حکمت بک
افندی یه

درسعات استیناف محکمه سی حقوق دأرء سی
ریاستی محکمه مذکوره جنحه دأرء سی رئیس سعادتلو
عارف بک افندی حضرتلرینه

درسعات استیناف محکمه سی جنحه دأرء سی
ریاستی محکمه مذکوره تجارت دأرء سی رئیس سعادتلو
رشید بک افندی یه

درسعات استیناف محکمه سی تجارت دأرء سی
ریاستی درسعات بدایت محکمه سی ایکنجی حقوق
دأرء سی رئیس سعادتلو عارف بک افندی حضرتلرینه
درسعات بدایت محکمه سی ایکنجی حقوق دا-
رء سی ریاستی درسعات تجارت محکمه سی اعضاسندن
عزتلو حافظ علی رضا افندی یه

درسعات تجارت محکمه سی اعضانی سالانیک
ولایتی استیناف محکمه سی مدعی عمومیی فضیلتلو
نجم الدین بک

سالانیک ولایتی استیناف محکمه سی مدعی عمو-
میلیک قوصوه ولایتی استیناف محکمه سی مدعی عمو-
میسی عزتلو حق بک

قوصوه ولایتی استیناف محکمه سی مدعی عمومیلیک
یانیه ولایتی استیناف محکمه سی مدعی عمومییسی عزتلو
عبد اللطیف بک

یانیه ولایتی استیناف محکمه سی مدعی عمومیلیک
وان ولایتی استیناف محکمه سی مدعی عمومی سابق
رفعتلو عبد الفتاح افندی یه

درسعات استیناف محکمه سی اعضانی بک اوغلی
بدایت محکمه سی مستنطق اعضاسندن عزتلو اوخانس
افندی یه

بک اوغلی بدایت محکمه سی مستنطق اعضانی
اسکدار بدایت محکمه سی مستنطق اعضاسندن عزتلو
احمد شوقی افندی یه

اسکدار بدایت محکمه سی مستنطق اعضانی محکمه

تمیز جزا دأرء سی میز لردن فضیلتلو جمال بک

وان ولایتی مرکز بدایت محکمه سی مدعی عمومی
معاونلکی ارغنی سنجانی بدایت محکمه سی جزا
دأرء سی رئیس رفعتلو عثمان رمزی افندی یه

ارغنی سنجانی بدایت محکمه سی جزا دأرء سی
ریاستی اماسیه سنجانی بدایت محکمه سی جزا دأرء سی
رئیس سابق عزتلو اسماعیل کامل افندی یه

یکی بازار سنجانی بدایت محکمه سی جزا دأرء سی
ریاستی پرزین سنجانی بدایت محکمه سی مدعی عمومی
معاونی قوتلو احمد رفعت افندی یه

پرزین سنجانی بدایت محکمه سی مدعی عمومی
معاونلکی مکتب حقوق شاهانه مأذونلردن عطاءه
افندی یه تفویض بیورلمش ومشار ومومی الیهمسندن

جمال بک ایله عطاءه افندیدن ماعداسنک مأموریت
سابقه لرینه حین تعینلرندده تحلیف لری اجرا قلمش
ومومی الیهمادن جمال بک ذات شوکتست
حضرت خلافتناهی یه ودولت علیه لرینه صادقانه ایفای
حسن خدمت ایده جکنه ومغایر معدلت حرکاتده
بولنیه جغه دأر بوکره امر تحلیفی اجرا ایدلیدیکی کبی
عطاءه افندینک دخی اصول مقررده وجهله امر
تحلیفی دردست اجرا بولنمشدر .

تبلیغات

بلدییه طباسنک محاکمه آلتیه التملرینی مستلزم
اوله حق صورتده بعض طرفلرجه حقلرندده اسناد
واخبار ایدیلان سوء حال وحرکتدن طولانی مأ-
مورین عدلیه طرفندن قبل التحقیق طبای مومی-
الیهمه ایشدن ال چکدیرلمکده وبومثللو وقایع اکثریا
اطبانک وظیفه عدلیه لرندن تولد ایدرک وظیفه اصلیه
لرینه تعلق کوریه مامکده ایدده ایشدن ال چکدیرلمک
خصوصی اطبانک مدت مدیده سورنمسنی ومسئولیت
ویا برائت لرینه قرار ویریلنجیه قدر بلدییه دن آلمقده
اولدقلری معاشدن محرومیت لرینی موجب اولدینی

آکلاشلدیغندن ومأمورین صیحه ملکینک انتخاب
وتعیین وعزل وتبدیللری واکا متفرع معاملات تماماً
دستورده مندرج نظامنامه هایون موجبنجیه مجلس طیه
ملکیه یه مودوع وظائفندن بولندیغندن بختله وظیفه-
لرینک ایفاسی امرندده سوء حالی کوریلانلر ایچون
ابتدای امرده مکاتب عسکریه شاهانه نظارت جلیله-
سنه مراجعت ایدیلرک مجلس مذکورجه اجرا قلمه-
جق تدقیقات ومذاکره نتیجه سی اولمق اوزره وقوع
بوله جق اشعاره انتظار ایدلمسی بعض طرفندن
اشعار قلمش ایدده طبابت بلدییه نظامنامه هایونی
اطبای مومی الیهمک وظائف فیه لرینه مغایر حال
وحرکتلری وقوعنده صورت ودرجه مسئولیت لرینی
واداره عمومیه طیه نظامنامه سنک مجلس طیه ملکیه یه
عائد اولان فصل مخصوصی دخی مجلس مذکورک
طبابت بلدییه ایله اجزاجیلره راجع جنایاتده دعاوی
واقعه یه فنا حکم ترتیبی حقنده کی وظیفه سنی مبین
وکرچه مأمورین ملکینک امور مأموره لرینه متعلق
جرملرندن طولانی تحت محاکمه التملریده اصول
استثنایه ابتداییه مقارن بولنمش اولوب آنجق جهت
عدلیه جه دخی بعض جرائمک تدقیق ماهیتی نطفه سندن
برطاقم وظائف مهمه یی ایفا ایله مکلف وبناء علیه
طیب عدلی صفتی حائر بولنان بلدییه طباسنک بو
وظیفه لرینک ایفاسنجه حقلرندده اسناد اولنان جرم ایله
مظنونیت لرندن طولانی اجراسی مقتضی واول امرده بر
کونه تدقیقات فیه اجراسی غیر داعی اولان تعقیبات
ومحاکماتک وظیفه فیه لری سبیلله عهده لرینه مرتب
مسئولیتک تابع اولدینی شکل وشرائطه موقوف
اولمقسزین طوغریدن طوغری یه محاکم عمومیه یه عا-
ئدی طبعی وبناء علیه وظائف ملکیلری اعتباریه
مربوط اولدقلری مرجعدن اشعار وقوعنه انتظاره
محل اولمدینی امر جلی اولدیغندن ومومی الیهم علیه
اسناد اولنان مواد میاننده بی اساس اولانلری دخی
بولنورق مؤخرأ منع محاکمه ویا برائت کیدیه بیلله-
جکندن اول بول اطرافیه تجسس و تحری کیفیت
اولنورق امر مظنونیت دلائل قانونیه سیله داخل دأرء
قناعت اولمقسزین براخبار مجرد اوزرینه علیه لرینه

اقامه دعوی اولیامسی دخی ایجابات قانونیه دن بولمغله اولوجهمه ایفای مقتضاسنه دقت اولنمی تعمیاً تبلیغ اولنمشدر .

محاکمات قضاوت

اعلام منقوضك تماميله مالی اعلام ممیز بهه درج ایدلماسی و منازع فیه اراضیده ابنیه واشجار موجود اولدینی حقننده درمیان اولنان ادعائك محكمه جه نظر دفته آلتاماسی نقض حكمی مستلزم بولندیغنه دائر محكمه تمیز حقوق دائره سندن اعطا قلنان ۱۲ تموز سنه ۳۱۷ تاریخلی اعلامك صورتیدر :

قدس شریف سنجانی داخنده ارطاس قریه سی اها لیسندن ابراهیم عایش ایه قریه مذکوره اها لیسندن درویش واحد ینسارنده متکون دعوایه دائر بیروت استیناف محكمه سی حقوق قسمندن ۱۵ نیسان سنه ۳۱۶ تاریخی وایکی عددی ایه ویریلان اعلام، مرقوم ابراهیم عایش طرفندن تمیز ایدلمكه اعلام مذکور طرفینك اعتراض و جواب لایحه لایله بالمطالعہ تدقیقات تمیزیه اجراسنه ابتدار قلندی.

اعلام مذکورك خلاصه مالی مرقوم ابراهیم عایش ایه مرقومان درویش واحد ینسارنده متحدث اراضی دعواسنه دائر بیروت استیناف محكمه سندن صادر اولان اعلامك تمیزاً بالتدقیق نقض و اعاده ایدلمی اوزربنه محكمه استینافیه بترکار اجرا قلنان محاکمه و تدقیقات نتیجه سنده منازع فیه اراضینك اراضی امیریه اولسیله صاحب ارضك اذن واجازی لاحق اولمقسزین فراغی غیر جائز اولدیغنه بناء مرقوم ابراهیم عایشك مرقوم مان درویش و احده قارشو وقوعولان معارضه سنك منعه حکمندن و مستدعی ابراهیم عایشك اشبو حکم علیهنده لایحه سنده محرر اعتراضاتك باشلوجه سی کندوسنك منازع فیه اراضی ی یکر می ایکی سنه دنبرو تصرف ایتمکده اولدینی حقننده مسبوق ادعاسنك نظر دفته آلتاماسی مغایر قانون اولدیغندن بخله اعلامك نقضی و لایحه جوابیه مؤداسی دخی اعتراض مذکورك غیر وارد ایدوکی بیانیله ردی و اعلام مذکورك تصدیقی استدعاسندن عبارتدر .

ایجابی مذاکره اولندقدہ اعلام مذکور مألندن منقهم اولدینی اوزره اعلام سابق منقوضك تماميله مالی اکلایله جق صورتده اعلام ممیز بهه درج ایدنا- می و منازع فیه اراضیده ابنیه و اشجار موجود

اولدینی و یکر می سنه ی متجاوز مردنبرو تصرفنده بولندیغنی مرقوم ابراهیم عایش درمیان ایتمدیکی جهته محكمه جه مرقومك بوداعاری نظر دفته آلهرق تین ایده جك حاله واحكام قانونیه کوره حکم اولنق لازم کلور ایکن محل منازع فیه حقننده رأی صاحب ارض لاحق اولمادیکی بیانیله ببعك عدم اعتبارسنه حکم ایدلمی مغایر قانون اولدیغندن اصول محاکمه حقوقیه قانوننك ایکی بوز اوتوز ایکنجی و ایکی بوز قرق برنجی ماده لری موجبجه اعلام مذکورك تفضیله قانون مذکورك ایکی بوز قرق دردنجی ماده سی حکمنه توفیقاً کیفیتك بروجه مشروح اعلامه ربطی ضمننده محكمه مذکورده اعاده سنه و زبرده مفرداتی مرقم اوچبوز طقسان یدی بچق غروش مصارف تمیزیه نك ایلورده حقسز چقیه جق طرفه رجوع ایتك اوزره اول امرده مستدعی تمیز ابراهیم عایشندن آلتسنه ۱۲ تموز سنه ۳۱۷ تاریخنده متفقاً قرار و بردی.

محكمه تمیز اعلامنده بیان و تعداد اولنان اسباب نقضیه دائره سنده اکمال نواقص اولندا

مسی اعلام اخیرك دخی نقضی مستلزم بولندیغنی حقننده محكمه تمیز جزا دائره سندن اعطا قلنان ۱۷ نیسان سنه ۳۱۷ تاریخلی اعلامك صورتیدر: طرابلس غرب ولایتی استیناف محكمه سی جزا دائره سندن ویریلان ۲۲ مایس سنه ۳۱۶ تاریخلی اعلامك تمیزی حقننده محكمه مذکوره مدعی غمو- میلکندن ویریلوب دائره عائدسنه قبول اولنان استدعائمه ایه لایحه تمیزیه و مذکور اعلام و تفرعای باش مدعی عمومك مأموریت به سندن ۱۳ تشرین ثانی سنه ۳۱۶ تاریخلی اوچ بیک درتیوز یتش بر نومرولی تبلیغنامه ایه محكمه تمیز جزا دائره سنه اعطا قلنمغه مطالعه اولندی .

مذکور اعلامده علی بن عامرک قلندن دولانی جنایتله اتهام اولنان محمد بن مسعود بن عامرک بالحاكمه محکومتی حقننده مقدما ویریلان اعلام تمیزاً بالتدقیق اسباب قانونیه بیئی نقض و اعاده قلمسی اوزربنه اجرا قلنان محاکمه نتیجه سنده برائنه قرار ویرلدیکی محرردر .

لایحه تمیزیه ده اعلام سابق مجرمیت قراریه تحدید مجازات قرارینك برلشدیرلرک امضا اولنمشندن ومهمك مجرمیته مخالف قلان ذالك کیم اولدینی وسبب مخالفتی نهدن عبارت بولندیغنی اکلایله مامسندن ناشی نقض ایدلمش اولسنه نظراً نقض واقع ختام محاکمه قدر جریان ایدن معاملاته تأثیر ایدمه جکی بدیهی ایکن اسباب نقضیه دائره سنده اکمال نواقص

قلمیهرق برائت قراری اعطا قلمسی مخالف قانون اولدیغندن بخله اعلامك نفعاً للقانون نقضی طلب اولنمشدر .

تبلیغنامه ده دخی لایحه تمیزیه ده درمیان اولنان اعتراض غیر وارد ایدوکی بیانیله استدعائك ردی طلب اولنمشدر .

تدقیقات تمیزیه اجرا اولندقدہ اولکی اعلام مجرمیت قرارینی تغییر ایدر برسیدن نقض اولنوبو آتجق ایکی قرارك بردن امضا ایدلمش و اعضادن مخالف قلان ذالك اسمی وسبب مخالفتی کوسترامش اولسندن دولانی منقوض بولنسنه مبنی لایحه تمیزیه ده اعتراضاً بیان اولندیغنی وجهله اسباب نقضیه نظر دفته آلتسزین برائت قراری اعطاسی مخالف قانون اولدیغندن اصول محاکمات جزائییه قانوننك اوچبوز اون دردنجی ماده سنه توفیقاً حکم مذکورك تماماً نقضیه اوراقلك محله اعاده سنه وایکیوز غروش اعلام خرجك تحصیلنه ۱۷ نیسان سنه ۳۱۷ تاریخنده قرار و بردی .

اوچبوز اون یدی سنه سی مایسك یکر می دردنجی بخشبه کونی سالیانیه جوارنده مثلا کورانی شمس الدین محله سنده بغورنجی اوغلی مدرسه سی زقاغنده عثمان رمزی افندی عرصه سنده کی کلبه سنده ساکنه قائم والدیه سی عایشه وزوجه سی سانحه ی بیچاقله جرح و قتل ایلدیکی ادعاسیله متهم بولنان اردنجانلی آرابه جی عباس حقننده اجرا قلنان محاکمه نتیجه سنده مرقومك بالتصور مزبوراتی جرح و قتل ایتدیکی اقراری وشاهدلرک اخباراتی ومعاینه راپوری مندرجاتی و مقتوله لردن عایشه نك قبل الوفات کندوسیله سانحه نك جارچی متهم عباس اولدینی سولیدی و عقیب وقعه ده قرار ایلمی دلائلرله ثابت اولدیغندن اولوجهمه مجرمیتنه و قانون جزانك یوز یتشنجی ماده سی حکمنه توفیقاً اعدام اولنسنه محكمه جنایتجه قرار ویرلمشدر.

هبت ناحیه سی اها لیسندن عبد الجبار بن عبداللهی قتل ایلدیکی ادعاسیله متهم بولنان عبدالله بن سعدینك اون بش سنه مدته کورکه قولنسنه دائر بغداد ولایتی استیناف محكمه سی جزا دائره سندن ویریلان ۵۴ نومرولی اعلامك ۱۴ اغستوس سنه ۳۱۷ تاریخنده تصدیقه

صدقی قضاسنه تابع حاشمقچی قریه سی اها لیسندن علی بن قتل ایلدیکی ادعاسیله متهم بولنان قریه مذکو- ردلی ابراهیمك اون بش سنه مدته کورکه قولنسنه دائر قره حصار صاحب سنجانی بدایت محكمه سی جزا دائره سندن ایکنجی دفعه اولهرق ویریلان ۱۰۳ نومرولی اعلامك ۱۴ حیران سنه ۳۱۷ تاریخنده تصدیقه

فیلورینه قضاسنه تابع ارمن منبوس قریه سی اها- لیسندن راشد بن احمدی جرح ایدرک تعطیل عضوینه سببت ویردیگندن طولانی جنایتله اتهام اولنان قولویه نك کثام قریه سندن کیمیا سالیان بن سعدالدینك اوچ سنه مدته کورکه قولنمی حقننده ایکنجی دفعه اولهرق مناسرت استیناف محكمه سی جزا دائره سندن ویریلان ۲۵۱ نومرولو اعلامك ۹ تموز سنه ۳۱۷ تاریخنده تصدیقه

ککبوزه قضاسنه تابع قاووقلی قریه سی آغیانی باصه- رق معامله جبر و شدت اجراسیله ایلیا کهایانك اچهنی اخذ و غضب ایلرندن طولانی جنایتله متهم اشخاصدن اولوب غیباً محکوم بولنان داریجه ناحیه سنده قصابقله مشغول استاورینك و جاهاً جریان ایدن محاکمه سی نتیجه- سنده اوچ سنه مدته کورکه قولنمی حقننده درسعات جنایت محكمه سندن اعطا قلنان ۱۰۱ نومرولو اعلامك ۲ اغستوس سنه ۳۱۷ تاریخنده تصدیقه

مدانیه قضاسنك ترله ناحیه سندن خرالامبو اوغلی واسیلک کیفیت قلندن طولانی جنایتله اتهام اولنان قضای مذکورك سیفی قریه سندن مصطفی اوغلی ایوبك اون بش سنه مدته کورکه قولنمی حقننده خداوندکار ولایتی استیناف محكمه سی جزا دائره سندن ویریلان ۶۸۷ نومرولو اعلامك ۱۸ ایلول سنه ۳۱۷ تاریخنده تصدیقه محكمه تمیز جزا دائره سنسجه قرار ویرلمشدر.

یشیل دیرک موقعی بولیس قومیسری مصطفی حامی افندی به اجرای وظیفه حائنده تشریر سلاح ایلدیکی ادعاسیله مظنون علیه اولان رضا پاشا یوقو- شنده نصوح اغا خاننده ساکن ترزی اسماعیل بن حسینك برسنه مدته حیسنه دائر درسعات بدایت محكمه سی برنجی جزا دائره سندن ویریلان حکمك تصدیقه

اذمید سنجانك ارمنی محله سنده مقیم قورتبلنلی اوغلی اوخانسی ضرب ایلدیکی ادعاسیله مظنون علیه اولان اذمیدده مناسرت جوارنده ساکن آرتاکی اوغلی انا- نیکدن بر آلتون آلهرق مضروب اوخالسنه اعطاسنه دائر لواء مذکور بدایت محكمه سندن ویریلان حکمك تصدیقه

ککبوزه قضاسنك داریجه ناحیه سی اها لیسندن فرانجه اوغلی طودوری ضرب ایلدیکی ادعاسیله مظنون عایشه اولان بصه جی علی افندی بن لیرا آلهرق مضروب طودوری به اعطاسنه دائر قضاء مذکور بدایت محكمه سی جزا دائره سندن ویریلان قرارك تصدیقه درسعات استیناف جنجه محكمه سنجه قرار ویرلمشدر .

فاتح میداننده قولتوقیقلی ایدن علی چاوشك بورغوجی نظیف اوستیه اطاله لسان ایلدیکی اکلا- شلدیغندن بر آلتون جزای نقدی ایه محکومیتنه صاتیبه قریبنده میراخورده ایرغاد بازارنده میخا- نه چیلک ایدن هرmerk اموال منقوله سنه ایرات خسار وچقور چشمه ده نومروسز خانه ده ساکن ترزی یاقوقی ضرب ایلدکری ادعا اولنان یورکی وقره بت ولد استبان، مستوقی ولد نقیولی، خرسنو ولد یورکی و قوجو ولد انسطاشك اوزر کون حبسلرینه وکندو- لرندن اوتوز غروش خسار بدلنك تحصیانه

طوبخانه ده چقور جمعه محله سنده ساکن خلیل چاوشك زوجیه سی عایشه خانمك ایکی عدد یوزوکی طولاندرمش اولان طرابلس غربلی محمد نورینك درت ماه حبسنه وکندوسندن ایکی عدد لیرای عثمانی جزای نقدی اخذیه برابر مذکور یوزوکره قیمت تقدیر ایدیلان آلتی یوز الی غروشك دخی بالتحصیل مدعیه شخصیه به اعطاسنه

طوبخانه ده مدرسه زقاغنده حسن اغانك دکاننده بربرلك ایدن قارتالی اشرف بن حلیمك اخافه قصدیه تشریر سلاح ایتدیکی وکی طاقه سندن کریدلی الیف بن بحری ایه آغوب ولد خایجی جرح ایلدیکی ثابت اولدیغندن درت آی حبسنه و مصارف جراحیه وسائر اولان بیک سکر یوز غروشك مرقومدن بالتحصیل مدعی شخصی آغوبه ویرلمسنه

بك اوغلی آرابه جیلرندن اندون ایه بیوك دره آرابه جیلرندن نیقولینك یکدیگرینی ضرب ایتدکری تحقیق ایتدیگندن بر هفته حبسلرینه بهجت افندی نام شخصك غلطه ده ساکنه روزه یی ضرب و جرح ایتدیکی ثابت اولدیغندن اون کون حبسنه خلاف تمیزه اوزرنده بیچاق طاشیدینی اصولاً ثابت اولان غاز خانة عامره عمله سندن عمردن بش بشلك جزای نقدی اخذینه

اسرای زنجیه دن بولندیغنی تحقیق ایدن قدم خبر بنت عبداللهك یدینه اسرای زنجیه نظامنامه سنك ایکنجی ماده سی موجبجه عتقنامه اعطاسنه خاصکویده مقیم حاجی ارسلان ولد یاقو ایه ترزی آورام ولد ایساقی ضرب و جرح ایلدیکی ادعاسیله مظنون علیه اولان فس قالجیسی یاقو ولد آورامك آلتی ماه حبسنه و آلتی آلتون آلهرق مجروحلره مناصفه اعطاسنه

شرق شمدوفر قومانیه سنك مقبوضاری تغییر و تحریف ایدرک ساخته کارلغه جرأت ایلدیکی ادعاسیله مظنون علیه اولان بك اوغلنده ساکن قارل مسکر نام شخصك فعل مذکوره جرأتی شهادت و دلائل واما- رات ایه ثابت اولدیغندن جزا قانوننامه هایونشك

یوزاللی بشنجی ماده سی موجبجه بر سنه حبسنه و قرق درت لیرانك کندیسندن تحصیلیه مذکور شمدوفر قومانیه سنه اعطاسنه

طرزوللی احمد افندیك والدیه سی خواجه علیه خانمی ضرب ایلدیکی ادعاسیله مظنون علیه اولان تراموای آرابه جیلرندن آیدینلی سالیان بن خلیلک بر هفته حبسنه دفتر دار اسکله سی قاقچیلرندن صالحی ضرب ایلدیکی ادعا قلنان احمدك اون کون حبسنه

قراقیل بن رستی ضرب ایتسندن طولانی مظنون علیه اولان کورمچلی سالم بن عمرک برهفته حبسنه خسرو پاشاده قاضیمسکر محمد افندی محله سی بکچیلی شعبان اغایه تشریر سلاح ایتدیکی ادعاسیله مظنون علیه اولان طولخلی محمد علی بن عمرک بر آی حبسنه سرکه جی آرابه جیلرندن محمدی ضرب ایدن قلبه بازارجقلی حسن بن عارفك اون بش کون حبسنه

ریحتم قومانیه سی اوسته باشیدی انکلتره دولتی تبعه سندن موسیو جیمسك قالیچه سنی سرقت ایلدیکی ادعاسیله مظنون علیه اولان بك اوغلنده تونل آرقه سنده دکرمن زقاغنده ساکن ترزی قالفه سی طومه ولد قسطنینك درت ماه حبسنه و ختام مدتنده ضبطیه جه کفالتیه ربطه

اوستریا دولتی تبعه سندن وسیغورطه مأمورلرندن غلیچك غلطه ده وویووده جاده سنده باقی عثمانی قار- شوسنده توتونجی خرملبو ولد طومانی ضرب ایتدیکی ثابت اولدیغندن ایکی التون جزای نقدی ایه محکومیتنه بحریه صنایع صیان طابوری افرادندن آستانه لی اسماعیل بن علینك جهانگیر طلوبه جیلرندن زنجی بلال بن محمد علی بیچاقله جرح و افراد مرقومه دن چشکل کوبلی صبری بن علینك دخی غلطه مرکزنده مستخدم ژاندارمه نفری خلیل اغا بن محمد علی یی اوستوریه ایه ضرب ایتدکری ثابت اولدیغندن بولردن اسماعیلک بش و صبرینك اوچ ماه حبسلرینه

غلطه ده ارقادی زقاغنده ساکن یونه ولد نسیم قوه ن ایه بخشیده بازارنده یکی یولده مقیم ایشمیلک واپور عمله سندن اوستول ولد لونیبدانك اچهنیله بیچاغنی سرقت ایتدکری ثابت اولدیغندن اوچر ماه حبسلرینه و ختام مدتله ضبطیه جه کفالتیه ربطلرینه خاصکویده یکی محله ده قلیوسی زقاغنده ساکن غیطانجی رفائل ولد آورامی جرح ایلدیکی ادعا قلنان ایساق ولد مناحك اون بش کون حبسنه

التجی دائره بدیه تنظیفات عمله سندن ملاطیه لی بایرام بن محمدی ضرب ایلدیکی ادعاسیله مظنون علیه اولان ترزی اوشاغی کراغول ولد کعبورغدن بر بیچق لیرا آلهرق مضروب ویرلمسنه

میخانه جی نیقولینک اموال منقوله سنه ایراث خسار ایلدیکه ثابت اولان چالغیجی آشوددن اون بشلک جزای نقدی اخذینه درسعدت و بک اوغلی و اسکدار بدایت محکمه سی جزا دائره لرنبجه قرار ویرلمشدر.

مُحَامَلَاتُ اِنْتِبَاهِيَّة

وظیفه مأموریتلری سوء استعمال ایلدکری آتیه استیناف محکمه سی مدعی عمومیلکندن اسرا قلنان اوراق تحقیقه دن منفهم اولان پیاس قضاسی بدایت محکمه سی اعضاسندن اولوب مستطقلک وظیفه سنی ایفا ایدن یاسف و مستطق معاونی حامی افندیلرک علی الاصول اجرای محاکمه لرینه مأذونیت ویرلمشدر.

اِخْلَافَات

درسعدت استیناف محکمه سی مدعی عمومیلکندن:

اوچیوز اون بش سنه سی تموزینک اون طقوزنجی بازار ایرتسی کونی طاطاوله ده هاجی پناقوز زقاغنده قوندره جی آندریقوی بالتهور بچاقله جرح و قتل ایلدیکه ادعاسیله مظنون علیه اولان اورته بویلی، طیقنازجه وجودلی، اسمر بکزی، قره قاش و کوزلی یکریمی بش یاشنده و محل مذکوره دیوارچی محله سنده اسپاسیه نک خانه سنده ساکن یاتقو فرار ایتمسندن وحقنده اجرا اولنان تحقیقات اوزرینه هیئت اتها میه دن جنایتله اتهامه قرار ویرلمسندن ناشی اصول محاکات جزائییه قانوننک اوچیوز یتش برنجی و اوچ یوز یتش آلتنجی ماده لری موجبجه معامله مقتضیه و محاکمه غیاییه سی بالاجرا قانون جزانک یوز یتش دردننجی ماده سنک فقره اولاسنه توفیقاً اون بش سنه مدله کورکه قونلسنه و او توز برنجی ماده قانونیه منظوقجه حقوق مدنی دن اسقاط قلمسنه و ذاتاً جزینه قرار ویرلمش اولان اموالک اصول محاکات جزائییه قانوننک اوچیوز یتش یدنجی ماده سی مو جنبه اداره ایتدیرلمسنه محکمه جنایتدن حکم اولنش و ماده مذکوره ایله اصول محاکات جزائییه قانوننک اوچیوز سکسان برنجی ماده سی و مواد سائر سی احکامنه توفیق معامله ایدلمسی مرجعه بیلدیرلمش اولغله اوچ یوز یتش سکزننجی ماده منظوقجه اعلان کیفیته ابتدار قلندی.

فی ۱۸ تشرین اول سنه ۳۱۷

ازمید بدایت محکمه سی جزا دائره سنده:

اذمیدسنجاغنگ امینه قریه سندن حاجی اوغلی یوسف بن علی نی اوچیوز اون آلتی سنه سی کانون نایسنک یکریمی یدنجی جمعه ایرتسی کیجه سی ساعت درت یجق قرار لرنده قورشونله قتل و اتلاف ایللرندن دولای مظنون علیهما اولوب درسعدت هیئت اتهامیه سندن جنایتله حقلرنده اخذ و گرفت مذکره سی ویرلمش اولان و اوراق تحقیقه ده اشکالی غیر مضبوط بولنان اذمیدک حسنین قریه سندن عمر چاوش اوغلی زینک عمر ایله قواص اوغلی ابراهیم آلان اله کچوریه مامش اوللرندن ناشی اصول محاکات جزائییه قانوننک اوچ یوز یتش برنجی ماده سی موجبجه قانونه اطاعتله محکمه یه کلری ایچون طرف ریاستدن مجدداً اون کون مهل ویرلمش اولدیغندن مدت مذکوره ظرفنده اثبات وجود ایتدکری حالده محاکمه لری غیاباً بالاجرا حقوق مدنی دن اسقاط و ماللری جز ایدیه جکی و بو باده مرقومانک برکونه دعوی اقامه سنه حق اوله میه جنی کبی مرقومانک بولندینی محلی بیلنلر خبر ویرمکه و بالمله ضابطه عدلیه مأمورلرینک مرقومانی در دست ایتمکه مجبور بولندقلری اعلان اولنور.

فی ۱۵ تشرین اول سنه ۳۱۷

استانبولده باغچه قپوسنده طاش خنده اجرای تجارت ایدر ایکن محکمه جه افلاسنه قرار ویرلمش اولان میخائل نیقولاییدیس ذمتنده آلاجنی اثبات ویا موقتاً قبول و قید ایتدیرمش اولان آلاجلیلرک قانوننامه تجارتک ایکیوز اون برنجی و آنی ولی ایدن ماده سی موجبجه مفلس مرقوم طرفسندن تکلیف اوله جق قونقورداتونک مذاکره سیچون اشو تشرین اولک یکریمی طقوزنجی بازار ایرتسی کونی ساعت یدی راده لرنده محکمه تجارت بحریه نک افلاسه مخصوص اوطه سنه کلری اعلان اولنور.

۲۲ تشرین اول سنه ۳۱۷

ژوژ قومیسر

درعلیه ده آلاجه حمامده حاجو بلوخی آلتنده اجرای تجارت ایدر ایکن ایکنجی محکمه تجارتدن افلاسنه حکم اولنش اولان حاضر البسه جی طیبیان برادرلرک خصوصات افلاسیه سنک رؤیت و تسویه سی ضمنده دعوی وکیللرندن اوخانس باراویان و تجارتدن آرین سلیمان افندیلر اصالة سندیک تعیین قلمش اولدقلرندن مفلس مرقوم ذمتنده آله جی اولانلرک قانوننامه تجا رتک ۱۹۹ و ۲۰۰ نجی ماده لری موجبجه تحقیق دیون ایچون تاریخ اعلاندن اعتباراً یکریمی برکون ظرفنده سنداتی محکمه کاتبه تسلیم ایللری و مدت مذکوره ختامندن صکره اوچ کونده یعنی ۳۱۷ سنه سی تشرین

نایسنک ۷ و ۸ و ۹ نجی صالی و چهارشنبه و پنجشنبه کونلرنده ایکنجی محکمه تجارتک افلاس اوطه سنه کله رک سندیک افندیلر مواجهه سنده آله جقلری اثبات و قید و تصدیق ایتدیرملری و مدت مذکوره ده اثبات وجود ایده میسان آله جقلولر حقنده قانون مذکورک ۲۱۰ نجی ماده سنه توفیقاً اجرای معامله اولنه جی اعلان اولنور. فی ۱۸ تشرین اول سنه ۳۱۷ ژوژ قومیسر

علی رضا

عطیه خانمک خرسانجی آغوب اغا ذمتنده بااعلام آلاجنی بولنان مبالغت تأمین استیفاسی ضمنده محکمه جانبندن جزه آلنان درسعدتده لاله لی جوارنده چقور چشمه ده بلان اغا محله سنده واقع برطرفی داینه عطیه خانم عهده سنده بولنان الی نومرولی دکان محلی و برطرفی کال پاشا ورته سی منزللری و دیگر طرفی بعضاً عطیه خانم و مدیونک متصرف اولدینی الی درت واللی آلتی نومرولی سودجی دکانی و طرف رابی طریق عام ایله محدود الی ایکی نومرولی دروننده فرون باقی اولدینی حالده بوزاجی دکانی و مذکوراللی درت واللی آلتی نومرولی سودجی دکانی و مذکور محاک اوزرنده واقع متصرف اولدینی اوطه لری غندی المزایده لیرا یوزغروش حسابیه اوتوز بر بیک غروشه طالبی عهده سنده تقرر ایدرک تاریخ اعلاندن اعتباراً برماه ختامنده اجرا قانوننامه هایونی احکامنه توفیقاً قرار قطعسی ویریه جکی جهته یوزده بش ضمیمه زیاده یه طالب اولانلرک مدت مذکور ظرفنده اسکدار اجرا دائره سنه مراجعت ایللری اعلان اولنور فی ۶ تشرین اول سنه ۳۱۷

قائطو ورته سنک تئودوریه فاینسی ذمتنده محکوم به آله جی اولان معلوم المقدار مبالغت تأمین استیفاسی ضمنده مدیون مرقومک مغازمسندن جزه آلنان قونیاق ویرا و آمر و آپسنت و لیکور مسکرات شیشه لرینک فروختی داین وکیلک طلی اوزرینه بک اوغلی بدایت محکمه سی ریاست اولاسی جانبندن قرار کیر اولغله محجوز مسکراتک اشو تشرین اولک یکریمی ایکنجی بازار ایرتسی کونی ساعت درت قرارلرنده غلطه ده قیوچیلر جاده سنده و قیوچی خاننده بالمزایده فروخته تشبث اولنه جی بک اوغلی اجرا مأموریتی جانبندن اعلان اولنور.

فی ۱۸ تشرین اول سنه ۳۱۷

مطبعه عثمانیه